



《續修四庫全書》編纂委員會編

續修四庫全書

上海古籍出版社

九四七・子部・儒家類

存治編一卷	〔清〕顏元撰	一
存人編四卷	〔清〕顏元撰	一三
平書訂一卷	〔清〕李塨撰	三七
聖經學規纂二卷論學二卷	〔清〕李塨撰	八三
小學稽業五卷	〔清〕李塨撰	一一三
下學堂劄記三卷	〔清〕熊賜履撰	一五三
理學逢源十二卷	〔清〕汪紱撰	一八九

2418/07

存治編序

唐虞三代復見於今日乎吾不得而知也唐虞三代不復見於今日乎吾不得而知也謂復見於今則漢唐宋明以來政術風俗奚爲而日降謂不復見於今彼古聖賢之所謂人定勝天挽回氣運者果何物哉宜吾習堯先生俯仰而三嘆也七制而後古法漸湮至于宋明徒文具耳一切教養之政不及古帝王而其最堪搖撼者尤在於兵專而弱士腐而靡二者之弊不知其所底以天下之大士馬之衆有一強寇倖發輒魚爛瓦解不可收拾黃巢之起洗物淘城李自成張獻忠如霜風殺草無當其鋒者官軍西出關東趨川陝豫至于數百里人烟斷絕三代田賦出甲民皆習兵雖承平日人禍起倉卒亦斷不至如此其慘也士子平居誦詩書工揣摩閉戶偏首如婦人女子一旦出仕兵刑錢穀渺不知爲何物曾俗吏之不如尙望其長民輔世耶三物寶典之世學卽所用卽所學雖流弊不至于此又何怪乎先生之俯仰而三嘆也先生自幼而壯孤苦備嘗隻身幾無棲泊而心血屏營則無一刻不流注民物每酒闌燈灺抵掌天下事輒浩歌泣下一口與襟語胞與淋漓襟不覺亦墮淚先生躍起曰此仁心也吾道可傳矣是以比年從遊勤有啟示襟因得粗知其畧以爲賢君相用之自有潤澤而大綱所在足爲萬世開太平者則百慮不易也使先生蚤有爲于世唐虞三代于然而來

存治編序

也寧不快甚乃今雙鬢頒白尙託空言豈天未欲治平耶抑將用之于衰老時耶亦使先生開其端而更待大後人耶吾復不能知之矣

康熙二十八年己巳孟夏吉日蠡吾門人李塏頓首拜撰

存治編

〔清〕顏元撰

據中國科學院圖書館藏清
康熙刻本影印原書版框高
一九九毫米寬二九二毫米

存治編目

卷全

王道

井田

經界圖

經界圖說

方百里圖

方百里圖說

治賦

八陳圖說

學校附選舉二則

封建

官刑

濟時

重徵舉

靖異端

存治編

目

存治編

王道

思軒人著

昔張橫渠對神宗曰爲治不法三代終苟道也然欲法三代宜何如哉井田封建學校皆斟酌復之則無一民一物之不得其所是之謂王道不然者不治


井田

或問於思古人曰井田之不宜于世也久矣子之存治尙何執乎曰噫此千餘載民之所以不被王澤也夫言不宜者類謂亟奪富民田或謂人衆而地寡耳豈不思天地間田宜天地間人共享之若順彼富民之心卽盡萬人之產而給一人所不厭也王道之順人情固如是乎况一人而數十百頃或數十百人而不一頃爲父母者使一子富而諸子貧可乎又或者謂畫田生亂無論至公服人情自輯也卽以勢論之國朝之困占幾半京輔誰與爲亂者且古之民四而農以一養其三今之民十而農以一養其九未聞墜粟於天食土於地而民亦不饑死豈盡人耕之而反不足乎雖使人餘於田卽減頃而十減十而畝吾知其工糞倍精用自饒也况今荒廢至十之二三墾而井之移流離無告之民給牛種而耕焉田自更餘耳故吾每取一縣約其田丁知相稱也嘗妄爲圖以明之所慮者溝洫之制經界之法不獲盡傳北地土散恒恐損溝

意夏禹湯力溝洫必有時

厭砌塗 高低墳邑不便均畫然因時而措觸類而通在乎
 之法 人耳溝無定而主平水可溝則溝不可則否井無定而主
 乎地可井則井不可則均至阡陌廬舍古雖有之今但可
 植分草以代阡陌爲窩舖以代廬舍橫各井一路以便田
 車中十井一房以待田駿可也有聖君者出推此意而行
 之搜先儒之格議盡當代之人謀加嚴乎經界之際垂意
 于釐成之時意斯日也孟子所謂百姓親睦咸於此徵焉
 逆頑有歸而土愛心臧不安本分者無之爲盜賊者無之
 爲乞丐者無之以富凌貧者無之學校未興已養而兼教
 矣休哉蕩蕩乎故吾謂教以濟養養以行教教者養也養
 者教也非是謂與

井田經界圖




方一里計畝小區方步每行長步里共
 百六十里計畝九千二百步每行長步里共

孟子云方里而井井九百畝吾所以明井制必明理制也周制三百步爲一里百步爲一畝六尺爲一步每步長今步一尺則三百步爲里者卽今三百六十步之數也然考之文問之獻又多異說且謂周尺僅今七寸強要之不若卽以今里今畝今步尺爲準爲甚明且亦夫子從周之義也以今里推之方里之地合該十二萬九千六百步周之九百畝當今五百四十畝今二百四十步爲畝每區六十畝內公外私若田饒處除公田內六畝給八家爲塲圃廬舍田窄給三畝爲窩舖其地亦可桑又通各井兩端爲田車之路宜縱者縱宜橫者橫隨邑人出入之便十里一房以處田畯不云廳堂者蓋田畯宜遊井以勸此直暫息不成其所也

本方里

三

方百里圖



方百里圖說

作油編

四

公侯皆方百里古也何必圖以古制久湮人輒謂田少故圖之以示田足也一區方十里當百井一行方十里者十當千井共該一萬井也卽除墳邑山川林路約天下之大勢或有山川或無山川者增補言之各百里內亦不減入千井一井八家共該六萬四千家吾知百里內之人民去二十以下及六十以上者亦不過六七萬丁而已卽或人浮于田一區二夫一夫受二十七畝亦足用也又就孟子証徐氏所識田祿推之大國之君取三百二十井卿取三十二井大夫八上士四中士十二下士一其該三百九十井侯庶宗支之祿亦如之或倍之宰長佐役等祿宗廟宴會交降恤弱優賓禮賢撫幼養老桑旅勸工補春助秋等事

或亦倍之或數倍之約不過八千井之半而用足矣餘則別時名曰上倉諸侯不得擅開上巡則以補助慶功大肉則侯請以賑三歲一散陳又十井一長百井一百長千井一千長二千井一邑宰一佐士宰祿視大夫佐士視上士千長視中士百長視下士十長無祿此方百里之大率也天子之千里侯之五十里俱可推知第王臣之祿重耳

治賦

慨自兵農分而中國弱雖唐有府兵明有衛制固欲一之迨於其衰頂名應雙皆乞丐滑棍或一人而買數糧支點食銀人人皆兵臨陣遇敵萬人皆散嗚呼可謂無兵矣豈止分之云乎即其盛時明君賢將理之有法亦用之一時

存治編

非人道也况兵將不相習威令所攝其爲忠勇幾何哉間論王道見古聖人之精意良法萬善皆備一學校也教文即以教武一井田也治農即以治兵故井取乎八而陳亦取乎八考之他書類謂其法創自黃帝備於成周而以孔明之八陳實祖之但帝王之成法既不可見武侯之遺意又不得其傳後世亦焉得享其用哉竊不自揣覺于井田法畧有一得敢詳其治賦之要有九治賦之便有九一曰預養饑饉而責千里則愚上宜非供膳薄稅飲汰冗費以足民食一曰預服嬰兒而役育則慈井之賢者爲什什之賢者爲長長之賢者爲將以平民情一曰預教簡師備申孝弟崇忠義以保民情一曰預察農隙之時聚之於場

時宰士一較射藝月千長一較十日百長一較同井習之不特一曰利兵甲胄弓刀精利者官賞其半直較藝賢者慶以器一曰養馬每井馬二公養之彷彿塞饗法操則習射間則便老行或十百長有役乘之一曰治衛每十長一牌刀率之於前九人翼之於後器械之法具紀效新書一曰備美八家之中四騎四步供役不過各二人餘則爲美卒以備病傷或居守一曰體民心親老無靠不卒老弱不卒出戌給耕不稅傷還給耕不稅死者官葬九者治賦之要也一曰素練隴畝皆陳法民恒習之不待教而知矣一曰親卒同鄉之人童友日處聲氣相喻情義相結可共生死一曰忠上邑宰千百長無事則教農教禮教藝爲之父

存治編

六

母有事則執旗執鼓執劍爲之將帥其就不親上死長一曰無兵耗有事則兵無事則民月糧不之費矣一曰應卒難突然有事隨地即兵無徵救求援之待一曰安業無逃亡反散之虞一曰齊勇無老弱頂替之弊一曰靖奸無招募異域無憑之疑一曰輯侯無專擁重兵要上之患九者治賦之便也至於陳法八千長率之於前四邑將督之於後左戰而右翼之則左正而右奇右戰而左翼之則右正而左奇前後之相應內外之相接無非前無非後無非左無非右無非正無非奇如循環如鬼神如天地分張之可圍敵之弱合衝之可破敵之堅敵攻之不可入入之不可出居則爲營戰則爲陳亦烏可測其端焉可窮其用也哉

八陳圖說圖失

古伯國三萬二千全軍之陳也綱目皆井形表圖象天裏方象地中軍象太極四角象四象八卦旗幟五色象五行南方火則旗紅左旗鑲青者以火之於木相從也青宜鑲黑而白之者取易辨之也黑宜白而紅之者別於青也凡千長所率二千卒每百長一小旗從其將旗中必異色書長姓同書字四邑將皆綉絨旗又各備一方綉旗一面當敵則二邑督四路之兵如四面當敵則佐士與邑將分督八路之兵一面當敵左右者應之餘則皆否如天鳥出戰雲虎即爲兩翼風龍地蛇各安其位是也戰者戰而守者守如八表皆戰而八裏不動是也下此而萬六

存治編

七

千或三千二百或一千六百神而明之在乎人耳

學校

或問於思古人曰自漢高致牢關里歷代優意費宮建教訓之官有臥碑之設何嘗不存心學校也似不待子計矣思古人曰嗟乎學校之廢久矣考夏學曰校教民之義也今猶有教民者乎商學曰序習射之義也今猶有習射者乎周學曰庠養老之義也今猶有養老者乎且學所以明倫耳故古之小學教以灑掃應對進退之節大學教以格致誠正之功修齊治平之務民舍是無以學而舍是無以教君相舍是無以治也迨於魏晉學政不修唐宋詩文是尙其毒流至今日國家之取士者文字而已賢宰相之勸

課者文字而已父兄之提示朋友之切磋亦文字而已不則曰詩已爲餘事矣求天下之治又烏可得哉有國者誠痛洗數代之陋用書帝王之猷俾家有塾黨有庠州有序國有學浮文是戒實行是崇使天下皆知所向則人材輩出而大法行而天下平矣故人才王道爲相生倘仍舊習將朴鈍者終歸無用精力困於紙筆聰明者逞其才華詩書反資寇權無惑乎家讀堯舜孔孟之書而風俗愈壞代有崇儒重道之名而真才不出也可勝嘆哉

存治編

八

鄉大夫三年則大比攷其德行道藝而興賢者能者鄉老及鄉大夫帥其吏與其衆寡以禮禮賓之厥明鄉老及鄉大夫羣吏獻賢能之書於王王拜受之登於天府內史貳之書其副本

丘氏曰成周盛時用鄉舉里選之法以取士二十五家爲閭閭有胥閭胥則書其敬敏任恤者百家爲族族有師族師則書其孝弟睦姻有學者五百家爲黨黨有正黨正則書其德行道藝二千五百家爲州州有長州長則考其德行道藝而勸之萬二千五百家爲鄉鄉有大夫則二年大比攷其果有六德六行而爲賢通夫六藝之道而爲能則是能遵大司徒之教而成材矣於是鄉

老及鄉大夫帥胥師正長之屬合閭族州黨之人行鄉飲之禮用賓客之儀以興舉之書其氏名於簡冊之中獻其所書於天府之上天子拜而受之以賢才之生乃上天所遺以培植國家元氣者也

王制命鄉論秀士升之司徒曰選士司徒論選士之秀者而升之學曰俊士升於司徒者不征於鄉升於學者不征於司徒曰造士大樂正論造士之秀者以告於王而升諸司馬曰進士司馬辨論官材論進士之賢者以告於王而定其論論定然後官之任官然後爵之位定然後祿之

封建

或問於思古人曰世風遞下人心日澆以公治之而害伏

存治編

九

以誠御之而奸出是以漢之大封同姓亦成周伯叔諸姬之意而轉曰已成反畔唐之優權藩鎮僅古人甥舅伯侯之似而李社即以敗亡故宋鼎既定盞酒以散勲臣明運方興亦世官而酬汗馬非故惜茅上也誠以小則不足藩維大則適養跋扈封建之難也子何道以處之可使得宜乎思古人曰善哉問此不可以空言論也先王遺典封建無單舉之理大經大法畢著咸張則禮樂教化自能潛消反側綱紀名分皆可預杜驕奢而又經周周密師古之意不必襲古之跡使十侯而一伯侯五十里一卿二大夫三士卿天子命之伯百里一卿二大夫六士卿與上大夫亦天子命之侯畜馬二十五甲士與稱伯畜馬五十甲士亦

稱有命乃起田卒焉邊侯伯士馬皆倍其畜有事乃起田卒焉侯度不世爵祿視其臣而以親爲差侯臣不世邑采取公田而以位計數伯師不私出列侯不私會如此者有事則一伯所掌二十萬之師足以籌維無事而所畜士馬不足併犯封建亦何患之有况三代建侯之善必有博古君子能傳之者用時又必有達務王佐能因而潤澤者豈余之寡陋所能悉哉第妄謂非封建不能盡天下人民之治盡天下人材之用爾

後世人臣不敢建言封建人主亦樂其自私天下也又幸郡縣易制也而甘於孤立使生民社稷受其禍亂亡而不悔可謂愚矣如六國之勢識者嘗言韓魏趙爲燕齊楚

存治編

十

之藩蔽羸氏蠶食楚齊燕絕不之救是自壞其藩蔽也侯國且如此以天下共主可無藩蔽耶層層厚護寧不更佳耶板之詩云大邦維屏宗子維城無俾城壞無獨斯畏道盡建侯之利不建侯之害矣如農家度日其大鄉多隣而我處其中之爲安乎抑吞隣滅比而孤棲一叢之爲安乎况此乾坤乃自堯舜夏商周諸聖君聖相開物成務遞爲締造而成者也人主享有成業而顧使諸聖人子孫無尺寸之土冤靈無血食之嗣天道其能容耶身爲天子皆其歷世祖功宗德上邀天眷顧不能覃恩九族大封同姓而僅僅一支私其富貴宗廟其無怨悵耶創典之際攀龍附鳳成運帷幄或功汗馬主臣同憂勞共生死一旦大業既

成不與之承天分地爲山河帶礪之盟勳舊其何勒耶凡諸大義皆不遑恤而君不主臣不贊絕意封建者不過見夏商之亡於諸侯與漢七國唐藩鎮之禍而忌言之耳殊不知三代以封建而亡正以封建而久漢唐受分封藩鎮之害亦復分封藩鎮之利使非封建三代亦烏能享國至二千歲耶夏以有仍再造商有西伯率叛殷周則桓文主盟尊王周召共和不亂四百也六百也八百也遞漸益長是皆服衛疊疊星環恭布隱攝海外之觀覲秘鎮朝關之奸回有以輔引王家天祚也以視後日之一敗塗地曆數日短者封建亦何負人國哉即以三代敗亡論受命者猶然我先王之股肱舅舅也列辟無恙三恪世修失天下

存

亡

者仍以一國封之是五帝三王有數百年之天下而仍有千萬年不亡之國也使各修天子禮樂事則膳之喪則拜之客而不臣是五帝三王有千萬年不亡之國即有千萬年不降之帝王也猗歟休哉守此不替有天下者誰不胥受其福乎且君非桀紂誰敢犯天下共主來天下之兵耶侯非湯武誰能合千八百國而爲之王耶君非桀紂其亡難也侯非湯武王之難也故久而後失之也即君果桀紂而侯果湯武矣本國之積倉自足供輜重無俟掠人箱困炊人梁棟也一心之虎賁從王之與國自足以奉天伐暴無俟挾虜丁壯因而淫擄婦女也南巢牧野一戰而天命有歸無俟於數年數十年之兵爭而處處戰場也耕者不

變而市者不止不至於行人斷絕而百里無烟火也王畿鼎革而天下猶有君不至於聞京城失守而舉世分崩千百成羣自相屠搶歷數年不能定也王者綏定萬邦而屢有豐年不至於耕種盡廢九有蕩然上干天和木旱相仍歷三二世不能復也蓋民生天地咸沐封建之澤無間興亡皆異於後世如此而秦人任智力以自雄收萬方以自私敢於變百聖之大法自速其年世以遺生民氣運世世無窮之大禍祖龍之罪上通於天矣文人如柳子厚者乃反爲公天下自秦始之論是又與於不仁之甚者也可勝嘆哉

官刑

存

亡

或有問於思古人曰昔漢除官刑百世稱其仁子言王道亦既詳矣乃並微聞官刑亦當復無以法不嚴則易犯故峻其法以仁斯民乎思古人曰否不然也夫謂法不嚴則易犯暴君酷吏假辭以飾其惡耳吾所謂復古刑者第以官壺之不可無婦寺勢也即理也倘復封建則天下之君所需婦寺愈多而皆以無罪之人當之胡忍哉且漢之除官刑仁而愚者也漢能除婦寺哉能除萬世之婦寺哉不能除婦寺而除官刑是不忍官有罪之人而忍官無罪之人矣說者又謂制童男女不於民間惟以官買則是任民之願嗟乎狙民甚矣小民何知惟知利耳以利誘民而官之豈天爲民立君之意哉今之貪利爲盜者惡自民也上

且誅之若因民之貪誘而官之惡自君矣可勝慨哉故封建必復宮刑不封建亦必復宮刑也惟願爲政者慎用之耳至肉刑之五墨辟今猶用之剝刑二刑不復可也

濟時

或曰若子之言非王政必不足治天下顧漢末非行王道時也孔明何以出唐葉無行王道事也鄴侯何以相是必有濟時之策矣况王政非十年經理十年聚養十年浹洽不能舉也倘遇明王賢相不忍斯民之水火欲急起拯之而人材未集時勢未可將舍此無道則所謂大用之而大效小用之而小效者又何說也思古人曰王道無小大用之者小大之耳爲今計莫要於九典五德矣除制藝重徵

存治編

三

舉均田畝重農事徵本色輕賦稅時工役靜異端選師儒是謂九典也躬勤儉遠聲色禮相臣慎選司逐佞人是謂五德也爲之君者克五德之行爲九典之施度亦駕文景而上之矣然不體聖學舉聖法究非所以致位育追唐虞也是在爲君者

重徵舉

嘗讀禮聘聘則爲妻奔則爲妾所以崇禮義養廉恥也故女無行媒不相知名士不爲臣不見成湯之於伊尹也三聘莘野文王之於呂尚也載旋渭濱下至哀世猶有先武就見之子陵昭烈屢顧之諸葛如四子者固有以自重抑其君知所以重之也近自唐宋試之以詩弄之以文上觀曰

選士曰較士曰思額曰賜第士則曰赴考曰赴科曰赴選縣而府府而京學而鄉鄉而會其間問先察貌索結百年巡視搜檢解衣跣足而名而應挫辱不可彈言嗚呼奴之耶盜之耶無論庸庸輩不足有爲卽有一二傑士迫於出仕氣喪八九矣宜道義自好者不屑就也而更異其以文取士也夫言自學問中來者尙謂有言不必有德况今之制藝遞相襲竊通不知梅叢便自言酸甜不特士以此欺人取士者亦以自欺彼卿相皆從此孔穿過豈不見考試之喪氣浮文之無用乎顧甘以此誣天下也觀之宋明深可悲矣竊嘗謀所以代之莫若古鄉舉里選之法做明舊制鄉置三老人勸農平事正風六年一舉縣方一人如東

存治編

古

則東方之三老視德可敦俗才堪治政者公議舉之狀發某某深知其才德兼以事實之縣令卽以幣車迎爲六事佐賓吏人供用三載經縣令之親試百姓之實徵老人復躋堂言曰某誠賢則令薦之府呈簽某令深知其才德亦兼以事實之則守以禮徵至其有顯德懋功者卽薦之公朝餘仍留爲佐賓三載經府守之親試州縣之實徵諸縣令集府言曰某誠賢則府守薦之朝廷呈簽某守深知其才德亦兼以事實之則命禮官弓旌車馬徵至京其有顯德懋功者卽因才德受職不次餘仍留部辦事親試之三載比經兩舉用不及者許自辭歸進學老人令守薦賢者受上賞薦奸者受上罰則公論所結私托不行矣九載所

驗賢否得真矣即有一二勉強爲善盜竊聲譽者焉能九載不變哉況九載之間必重自檢飭卽品行未粹者亦養而可用矣爲政者復能久任考最于九載十二載或十七八載之後國家不獲真才天下不被實惠者未之有也

靖異端

古之善靖異端者莫如孟子古之善言靖異端者莫如韓子韓子之言曰人其人火其書明先王之道以教之善哉三言盡之矣愚嘗取而詳推之曰前耕耘皆三代之赤子弟自明帝作俑無恥之民從而效尤妄談禍福侈說仙神枝連蔓長焚香講道者遂紛紛其實猶然中國之民也一日收爲左道之誅豈不哀哉考古謀今靖之者有九一曰

存治編

五

絕由四邊戒異色人不許入中國二曰去依令天下毀妖像禁淫祠三曰安業令僧道尼姑以年相配不足者以妓繼之俱還族不能者各入地藉許鬻寺觀瓦木以易宅舍給香火地或逃戶地使有恒產幼者還族老而無告者入養濟院夷人仍縱之去皆所謂人其人也四曰清弊有爲異言惑衆者誅五曰防後有窩佛老等經卷一卷者誅獻一卷者賞十兩許窩者賞五十兩六曰杜源令碩儒多著闢異之書深明彼道之妄皆所謂火其書也七曰化尤取向之名僧長道令近正儒受教八曰易正入給四書曲禮少儀內則孝經等使朝夕誦讀九曰明法既反正之後察其孝行或廉義者旌表顯揚之察其愚頑不悟者責罰誅

戮之皆所謂明先王之道以教之也如此則羣黎不邪惡家戶有倫理男女無抑鬱之氣而天地以和兆姓無絕嗣之餘而生齒以廣微休召祥蔑有極矣且儉土木之浪費杜盜亾之窩巢驅遊手之無恥絕張角等之根苗風淑俗美仁昌義明其益不可殫計有國者何憚而不靖異端哉若惑於禍福之說則前鑒固甚明也

書後

先生三存編存性存學皆悟聖學後著獨存治在前乃壯歲守宋儒學時所作也當是時仁心布濩身任民物之重已如是其得聖道也蓋有由矣恭從遊後聞而悅之著瘳忘編以廣其條件張鵬舉文升著存治翼編聚晤考究歷

存治編

十六

有年所及纂出遊四方辨證益久謬謂鄉舉里選行之或亦因時酌畧而大體莫易井田則開創後土曠人稀之地招流區畫爲易而人安口繁各有定業時行之難意可井者井難則均田又難則限田與先生見亦頗不參差惟封建以爲不必復古因封建之舊而封建無變亂今因郡縣之舊而封建破紛擾一三代德教已久胄子多賢尙曰世祿之家鮮克由禮況今時統緒易駟易淫易殘忍而使世居民上民必殃二郡縣卽漢唐小康之運非數百年不亂封建則以文武成康之聖賢治之一傳而昭王南巡遂已不返後諸侯漸次離析各自爲君六七百年周制所謂削地滅國皆付空言未聞彼時以不朝服誅何國也矧於統

近雖有良法豈能遠過武周三或謂明無封建故流寇肆
毒遍地丘墟竊以爲宋明之失在郡縣權輕若久任而重
其權亦可弭變且唐之藩鎮卽諸侯也而黃巢儼然流寇
矣豈關無封建耶四或又謂無封建則不能處處皆兵天
下必弱竊謂民間出兵處處皆兵郡縣自可行不必封建
始可行也五而封建之殘民則恐不下流寇不觀春秋乎
列國君卿尙修禮樂講信睦然自會盟朝遇紛然煩費外
侵伐戰取一歲數見其不通魯告魯者殆又倍蓰幸時近
古多交綏而退若至今日殺人狼藉盈野盈城豈減流寇
然流寇亾盛而諸侯亾遲則將爲數十年殺運數百年殺
運而禍更烈矣唐之藩鎮爲五季金之河北九公日毒千
戈人烟斷絕可寒心也六天子世圻諸侯世同卿大夫獨
非伯叔甥舅之裔耶亦世采自然之勢也卽立法曰世祿
不世官必不能久行周之列國皆世臣巨室可見矣夫使
天下富貴數百年皆一姓及數功臣享之草澤賢士雖如
孔孟無可誰何非立賢無方之道也不公孰甚欲治平何
由七戊寅浙中得陸桴亭封建傳賢不傳子論蓋卽郡縣
久任也似有當質之先生先生曰可而非王道也商榷者
數年於茲未及合一先生條已作古矣於戲此係位育萬
物參贊天地之事非可求異亦非可強同也因書於後以
待用者康熙乙酉二月蠡吾門人李紫書於鄆城寓署

